

Letšatši la makgaolakgang la balefela motšhelo ba sebakanyana, go akaretša ditherasete, ke Laboraro la 24 Janaware 2024

Tshwane, 18 Janaware 2024 – Letšatši la makgaolakgang la balefela motšhelo ka noši le ditherasete tseo e lego balefela motšhelo ba sebakanyana la go faela dipušetšo tša bona tša motšhelo wa letseno tša ngwaga wa motšhelo wa 2023, ke Laboraro la 24 Janaware 2024. Ngwaga wa kelo wa 2023 o šupetša sebaka sa magareng ga la 01 Matšhe 2022 go fihla ka la 28 Febereware 2023.

Molefela motšhelo wa Sebakanyana ke motho ofe goba ofe yo a amogelago letseno goba yo letseno la gagwe le oketšegago, ntle le mogolo wa gagwe. Therasete e akareditšwe ka fase ga hlaloso ya “motho” go ya ka Molao wa Motšhelo wa Letseno, wa nomoro ya 58 wa 1962 gomme o tšewa bjalo ka molefela motšhelo.

Ditherasete ka moka di swanetše go faela pušetšo ya motšhelo ngwaga ka ngwaga, go akaretša tseo di bego di sa šome go tiragatšo ya ikonomi. Motshephiwa ke moemedi wa molefela motšhelo wa Therasete gomme o na le maikarabelo a go faela legatong la Therasete goba a go kgetha setsebi sa motšhelo seo se ngwadišitšwego go dira bjalo.

Ditirelo tša Motšhelo tša Afrika Borwa (SARS) di tšea mohlako wa go hloka kgotlelelo go balefela motšhelo bao ba sa ngwadišego bakeng sa motšhelo wo o amegago, ba go se faele dipušetšo tša motšhelo, go se dire ditaodišo tša maleba go dipušetšo tša bona tša motšhelo le go se dire ditefelo tseo di swanetšego go SARS mo go amegago. Go se obamele boitlamo bjo ke tshelo ya molao gomme go tla goketša dikotlo le ditswana.

Go tloga ka ngwaga wa kelo wa 2023, batshephiwa ba kgopelwa go romela ditokumente tša thekgo tseo di hlokegago ka tshepetšo ya go faela. Ditokumente tše di akaretša magareng ga tše dingwe, didirišwa tša therasete, Ditatamente tša Tšhelete tša Ngwaga ka ngwaga, Mangwalo a Taolo, diphetho/metsotso ya dikopano tša batshephiwa le kalo hlaloso ya go laetša Thuelo ya Boholegi bja Therasete. Ka tlaleletšo, baholegi ba Therasete ba swanetše go laodiša letseno la bona, go akaretša letseno leo le tšwago go Therasete, go dipušetšo tša bona tša motšhelo wa letseno.

SARS e nolofeditše balefela motšhelo go obamela ka go diriša ditharollo tša go faela ka onelaene. Pušetšo ya motšhelo wa letseno la mong (ITR12T) e ka hwetšwa go eFiling mola peakanyo ya kopano go lekala la SARS e ka dirwa go wepsaete ya SARS. Balefela motšhelo ba hlohletšwa go šupetša go wepsaete ya SARS go hwetša tshedimošo enngwe ka boitlamo bja bona bja motšhelo, [Ditherasete](#), [Setlha sa Motšhelo sa go Faela sa 2023](#) le [Motšhelo wa Sebakanyana](#).

Go hwetša tshedimošo enngwe, ikgokaganye le SarsMedia@sars.gov.za